

28 MAR 2000

DR MAHATHIR ADAKAN MAKAN MALAM BAGI JENERAL MUSHARRAF

PUTRAJAYA, 28 Mac (Bernama) -- Perdana Menteri Datuk Seri Dr Mahathir Mohamad menganjurkan majlis makan malam bagi Ketua Eksekutif Pakistan General Pervez Musharraf dan isteri Begum Sahiba di kediaman rasminya di sini.

Turut hadir ialah Menteri Luar Datuk Seri Syed Hamid Albar, Menteri Perdagangan Antarabangsa dan Industri Datuk Seri Rafidah Aziz, tokoh-tokoh korporat dan diplomat.

Dr Mahathir dan Jen Musharraf pagi ini telah mengadakan pertemuan dengan Perdana Menteri di Jabatan Perdana Menteri.

Semasa pertemuan itu, Dr Mahathir telah menyatakan hasrat Malaysia untuk melihat Pakistan kembali ke pemerintahan awam.

Musharraf yang tiba di sini semalam untuk lawatan kerja tiga hari menggulingkan bekas Perdana Menteri Nawaz Sharif dalam satu rampasan kuasa tanpa pertumpahan darah pada 12 Okt lepas.

Pemimpin Pakistan itu juga menemui Menteri Kewangan Tun Daim Zainuddin dan Wakil Khas Perdana Menteri ke Kumpulan Tindakan Menteri-menteri Komanwel, Tan Sri Musa Hitam.

Musharraf, juga berucap di majlis makan tengah hari CEO Dewan Perniagaan dan Perindustrian Malaysia (NCCIM) mengatakan kedua-dua negara sedang meninjau kemungkinan meningkatkan jumlah perdagangan dan usahsama antara kedua-dua mereka.

Musharraf akan bertolak ke Singapura esok.

-- BERNAMA

AR PR